

八瓊室金石補正

八瓊室金石補正卷七十五

太倉陸增祥撰

男 繼輝校錄

吳興劉承幹覆校

唐 四十七

內侍王守琦墓誌

方一尺四寸廿二行行二十
二字字徑四分正書在咸甯

唐故正議大夫行內侍省內府局丞貢外置同正貢上
柱國太原縣開國男食邑三百戶賜緋魚袋王公墓誌
銘并序

將仕郎試右監門率府錄事叅軍劉景夫述

公諱守琦父皇任朝散大夫充內酒坊使諱意通之弟
九子也公早朝禁掖旋授勗 思配賢 父天寔遇慈
吳訓以文藝卓以詩筆教以溫常誠以廉克仁德播於
流穹特選名於肘掖恪恪奉 主孜孜在家貞清絕邁
於古賢例聽全逾於往祐斯可爲天之祐也故得常居
寵祿朱綬銀光握 思不榘於先宗煥彩寶暉於後
嗣貞元十二祀入仕大中三載退歸私第因寢疾崩於
歲十二月十五日緣久居崇祿先 塋稍隘爰於舊墳
西南隅剏建斯塋也伏以先墳高聳碑秀峨峨族裔具
書此不列之公先夫人張氏早喪附在大塋嗣子四人

長日從祐邁而往逝亦附大塋今 夫人謝氏追念前
恩慙嗟煢煢哀慟過於班家調訓同於孟母今至孝男
允實次日從盈又次日從泰等嗷嗷血淚逾甚高柴啓
侍晨夕殊邁會哲生事已畢葬事將塋宅地吉晨用刻
大中四年正月廿三日禮葬鄉曰崇義村号南妣主事
銘詞因斯逮也

銘曰

肸肸王公

稊稊和恭

侍親以孝

事君以

忠

四科畢脩

書劔全功

能章禮樂

能

楊國風

少承光寵

暮乃將退

居上其宗

居下共愛

身歿名章

魂消響在

劔鏡人

仁

孰不欽賚

誌中兩用後字一云煥彩實暉於後嗣後當作後一
云怨嗟煥後則後又當作獨銘詞中兩用劔字一云
書劔全功一云劔鏡人仁字書劔音曰鈍也與此文
義不合當是劔字別寫天子曰崩諸侯曰薨薨字尙
有通用者此誌書卒曰崩則妄甚矣文首云父皇朝
某官諱某之第九子也父字可省又掖授播柅握揚
凡從才之字皆作才握恩不榭榭應從言此亦作才
仁德播於流傳言仁德遠播如水之流如山之聳然

而高也葬事將塋塋當作營吉辰用刻晨當作辰用字缺筆與僧思恆志同刻謂選日也

古誌石華

按內侍王守琦墓銘劉景夫述舊唐書職官志掖庭宮闈局丞從八品下階守琦以貞元十二年入仕大中三年退歸蓋仕於德宗在位之十七年歷順宗憲宗穆宗敬宗而退歸於文宗嗣位之三年凡在禁掖三十三年崇義鄉在萬年縣南劉遵禮墓崇義鄉在澹川西原南姚村在崇義鄉與澹川相近蓋即今咸甯縣南鄉大兆社之南兆寨也此碑出土在修咸甯縣志之後故金石鄉村凡未及錄入

金石續編

石志在咸甯出土向藏陽湖董氏兵後亡佚近復
於瓦礫中搜得之歸武進陸氏補訪碑錄謂在長
安未得其實也古誌石華載此初建斯塋斯誤作
新此不列之列誤作刊碑嗣作嗣石華作嗣逾作
逾石華作逾亦與石本異

太子舍人翟夫人某氏墓誌

方一尺四寸廿四行行
廿四字正書在陝西

唐故朝請郎行太子舍人汝南郡翟府君 故夫人

下缺

堂妹將仕郎試太常寺奉禮郎

下缺

夫人諱婉字順美

我先祖渤海舊人也

曾

祖

皇太中大夫太子僕贈揚州大都督

祖

昇 皇開府儀同三司鳳翔隴右節度觀察處置使鳳

翔尹兼御史大夫上柱國紀國公集賢待制

父鑑 皇儒林郎行鳳翔府叅軍夫人則 紀公次子

都官之第二女也生稟敏慧幼聞詩禮齡年孝讓爰睦

弟兄節冠柔規言成婉則居無越思動必循理曹氏誠

成習在心列女傳未嘗廢手故知懿範出於天性淑質

叶於坤儀迨有行于翟氏能輔佐以肥家婦德脩彰內

則之儀遵奉禋祀豐潔蘋藻之薦方循泊長慶元年秋

九月十四日所天傾喪未亡節苦哀毀過制晝哭帷堂

如賓之禮無虧齊眉之歡岡闕況以鞠育孤稚勗其義
方蹈孟母之高蹤子乃成器慕敬姜之芳躅婦道聿脩
嗚呼仁而不福是上帝不惠于我家也久嬰心疾有增
無瘳惜也聰智屈於促齡茂德歸于長夜以大中三年
十一月十一日歿于京兆府鄠縣宜善鄉龐保村莊舍
春秋五十有八嗣子曰虔次曰駢謀及宅地龜筮叶從
以四年冬十月五日營窆於當鄉中龐村耐于 先舅
先姑塋之北阡孝之終也噫虔駢等咸以泣血茹毒有
繼子羔追遠慎終克全哀敬 府君猶子仲苜等哀號
永慟息咽而復蕪攀慕思慈號咷而悶絕立人以痛割

五情之際虔孫號訴以叙陳緬其令範外彰何嬰內舉
遂投涕抽毫而叙之銘曰

昭昭柔德大道奚塞其不可測其寢寢幽錄碎沉珠玉

瑩不可績其魄散施歸白楊風悲淚零涕垂其日往月

改松茂佰大芳徽永在其

右志近始出土前兩行下半殘泐餘俱完好撰文
者夫人之叔父姓名已缺不可得見序內有立人
以痛割五情之際語是立人即其名也爾雅父之
舅弟先生爲世父後生爲叔父又云父之從祖舅
弟爲族父釋名父之兄曰世父又曰伯父父之弟

曰仲父仲父之弟曰叔父叔父之弟曰季父此志云堂叔者蓋父之從祖舅弟也知流俗之稱由來久矣號作孫偏旁避諱之字瑩不可續續疑續之謫與錄玉爲韻翟府君名不可攷夫人之姓及其先世官爵攷之不得嗣讀李晟傳云鳳翔節度使高昇召署別將竊意碑所述祖昇者即高昇夫人姓高也云渤海脩人云鳳翔節度均無不合惟昇之厯官始末及其父其子之名位未得其詳存俟再攷

柳知微妻賴川陳氏墓記

高九寸六分廣一尺十五行行十五字字徑六分許正書在西安

唐故潁川陳氏墓記

陳氏諱蘭英大和中歸于我凡在柳氏十有七年是非不言於口喜怒不形於色謙和虜衆恭敬奉上而又諳熟禮度聰明幹事余以位卑祿薄未及婚娶家事細大悉皆委之尔能盡力靡不躬親我使春秋祭祀無所闕遺微尔之助翳不及此無何疾生於肺纏綿不愈以大中四年十二月三日終于昇平里余之私第年四十先有一女曰婆女五歲不育今有一男曰貂蟬年未成童即以其月十一日葬于長安縣永壽鄉高陽原慮陵谷

變遷失其所在遂書石紀事置諸墓門云尔朝議郎前行京兆府富平縣尉柳知微記

右陳氏墓記柳知微撰書法誠懸此記當即知微所書蓋習家學者歐趙書有孔岑父碑柳知微書又按柳公綽宅在昇平坊誌云終于昇平里余之私第是知微爲公綽之近屬也裴遵慶潘孟陽魏少游劉沔諸宅均在是坊

岳林寺塔記

高一尺四寸廣六寸七分八行行十八字字徑七分正書有界格在奉化

岳林寺塔記

僧君長述并書

自金輪氏應跡迦維大漢教流諸夏尊舍利於支提儼
靈相於寶殿誠知殿塔之位闕而不可茲寺二所即女
弟子傅氏二娘之建也傅氏媿于朱室三紀不幸而所
天早喪愛子又天孽然霜質而恪勤檀度時大中五載
再期□□殿堂凡焉闕者唯塔傅氏發言曰生□□□
□□□□□_{美遂下}
_缺

右岳林寺塔記在奉化縣之岳林寺癸卯夏予爲浙
東之游舟行過寺門外始一游焉寺有東西二小塔
東塔嵌石一片乃大中五載僧君長所述記文稱女

弟子傅氏二娘媿于朱室不幸所天早喪愛子又夭
惇然霜質而恪勤檀度後半殘缺不可讀矣其旁爲
鐘樓縣銅鐘一元天厯三年鑄也

潛研堂
跋尾

右碑在奉化縣岳林寺東塔內文八行行書徑七分
記爲僧君長所述詞甚簡質書法亦古雅於方外尤

難得也

兩浙金石志

岳林寺尚有李柔撰銘在西塔佛象下亦爲傅二
娘作未得拓本堂庀二字兩浙志闕

董惟靖墓誌

方一尺二寸廿三行行廿四字
字徑三分餘正書在江都

唐故隴西董氏內表弟墓誌銘

并序

外兄魯郡鄒敦愿述

董氏其先隴西人也當春秋孔聖有歎古之良史也即
狐公之遠祖哉襲于漢相垂帷三餘名遂史冊列傳無
代不書略而引之不復廣述 曾祖芴 祖彥璧 考
諱忼並有令名於當時其行狀人物脩乎家傳不可覩
縷而雙 先舅母廣平宋氏出自二男弟處其季也弟
諱惟靖字安衆立性恬和爲人謙退交不獲雜用晦而
明運泉貨以樂業子孫崇釋宗以益景福天胡不愁年
始知非有七歲染疾蒼而卒終嗚呼貞元十二齡丙子

歲踵困敦生於江陽縣仁風里之私第大中六稔壬申
歲當涖灘殞于江都縣贊賢里之寢舍也娶樂安任氏
幼有婦德□□長繼移天之義晝哭聲咽灑淚漣洏鞠
育四男並天假秀異長曰宗奭恭事伯父掌握格律舉
直措諸巨細無私繫之是賴□男曰宗英次男曰宗璵
季子曰宗興並幹父之用饗長兄□惟竦顯居要職
管內都勾友于急難如鵲鵠之孤翥原野飛□血淚潛
然以營葬事宗奭等罹此苴疚悶絕哀號恭承餐□
朝晡無闕於其年六月十九日克塋于先考塋側域
內以□神魂焉嗚呼內外兄弟能有幾人先後之間余

亦相次恐他□地變技淚直鑿其銘曰

嗚呼董弟 先聖枝裒 洎襲于唐 甲子相繼 不

聞久□ 忍訃斯斃 萋萋正華 霜凋其棣 暉暉

強柯 痛尔先□ 余忝內外 豈不悲涕 永拍骨

肉 長乖人世 龜筮茲□ □就元厓 舊列松楸

新墳剗製 四子睎天 泉扃永□

石左方下截殘損鄒敦愿董所自出標題稱內表

弟者中表也今惟妻兄弟稱內矣狐公之遠祖祖

當作裔文述先世芳悅二字皆缺一筆唐人重諱

如此擘當作璧亦以避寫改之而銘詞內不避世

字何也染疾蒼而卒終而卒誤倒舉直措諸用論語鄭本措爲正字錯者借也霜凋其楝以聲取義
今人習用之知唐代已然矣

魏博節度別奏劉公妻郭氏墓誌

方一尺二寸四分十七行
行字不一字徑六分行書

大唐魏博節度別奏劉公故太原郭氏夫人墓誌銘序并

夫人太原盛族遠祖因官遷居於大名今爲魏郡人也

三代祖並轅門上將名爵古今勲業俱高不可具載父

君佐使宅親事兵馬使押衙以弓裘飾身文武不墜

守忠事上信義居懷可謂丈夫矣夫人即押衙之長女

也以初筓而歸於劉氏在家而令淑有聞出嫁而四德
克備吁上天難問脩短不容不幸以大中六年五月十
二日終於府元城縣募化坊之私宅也享年廿五矣嗚
呼父母腸斷良人痛心生死路殊龜筮叶吉以其年閏
七月九日遷柩於府西南五里貴鄉縣王趙村附先塋
禮也慮邱壟之更變故刊貞石爲銘其詞曰

婉婉柔儀 言容和茂 婦德可觀 進退可度 上
天不均 掩同薤露 大魏西南 良玉塞土 万古
千秋 永扃幽戶

右魏博節度別奏劉公妻郭氏墓誌當在大名出

土別奏之名不見於官志文云終於府遷柩於府

西南五里魏州爲大都督府也

吏部尙書高元裕碑

大中六年十一月十日 萃編載卷一百十四作七年十月

唐故

誤作

守吏部

缺守

翰林學士承

旨朝

朝上六字缺

夫守尙書戶部

夫下五字缺

開國男

缺男字

國河東

缺河東二字

二百戶柳公權

戶外五字缺

元裕

缺元字

爲侍中

中上二字缺

佐命之勲謚文□公與房元

齡魏徵等

佐命誤仁儉之文外十字均缺

烈山氏之苗裔也在

在上七字缺

爲著

姓□未嘗以

以上五字缺一并缺一格

八廿

缺八字廿作世

高□

孫倓

缺高侯二字諸侯缺諸字功□族命位以王父字□氏功下八字缺

後漢末缺漢末二字著為渤海□□十五世孫著下六字缺五誤作平

魏太尉缺太尉二字樂安缺樂字即樂安之令子之令外四字缺高祖

諱峻皇皇上四字缺并多一口蒲州長史撰小史行於代缺蒲史撰

小於代六字史誤之諱迥杭諱下二字缺右諫議右下二字缺諱集缺集中

丞□司□公即司徒府君中丞下七字缺并多三右補□

復右下二字缺史以彈奏不史下四字缺擢拜缺擢字於道列□郵

傳□馬備急宣急宣上七字缺多山厖多下二字缺過客缺過字睢

□旁午自言神缺睢午自神四字驛脅史以馬驛下四字缺牽蹟缺

字奏以□未幾歸真投竄荒裔以歸真外七字缺并多二對

謁字缺對不避中外之嫌嫌不避人人為

公懼

覈字公外五慄戢字缺慄罷去出關道道字上四耶中遷諫議

夫字遷外五勁氣粹字勁下二繼上字缺繼秩 草

制暴秩下三字又以 儲闡胃筵 選為念故

有字缺并多三以通字缺以刺程字缺程觀之字缺觀當暑霜

風凜凜生 簡下暑下外搜擢僚僚字上二賢峻崇弊弊上

三字 遷尙書字遷誤凝檢 事字缺凝檢抉姦姦作肝膽肝膽誤

吏變 異端節 改易文字吏下六字易文誤勿又簿記字缺簿

虞以迷字迷上二觀察使兼御史大夫使兼外懿 太

后遷殯 兩儀殿充大明宮 復缺并多一已事

缺已 勲於吏職奉公採物缺勲於職以三缺以字以八

缺以 用口儉缺儉管內缺管勤已勤誤充美百姓歌舞

舞充美歌久難其口 公內缺難其公能以缺以

當時議者者上三宜口有歸缺宜有襄州缺襄冢宰之

命之外三濟江濟誤以大中六缺以字一日贈尚書右

僕射其日外八河南府伊闕縣白沙缺河伊闕先府缺

字孫也皆一時冠族口行壺則孫下九才高位屈

口國缺才高二字位屈盛累贈至衮服服上五郎文行

修潔纂服無墜文行外壽惟缺惟全德矣缺德矣之肩

源缺肩源碯溪之高起作周輔齊卿演武隆功功上十

攀龍佐命蟬聯煥

佐命外代延秀令降及五字缺

缺代延道為及三字

時師才

缺道時才三字

資人瑞

資下二深二字缺

茂曾顏

缺曾顏二字

字松迴靄玉

迴外三字缺

化動毫端政

政上四字缺

下廿競躡浮

缺下廿浮三字

時慕清談我吏事神鋒有斷

時下十字缺

無味君

之容澄

奸妄者誰凶稔

味妄外觸天方相十字缺

道以斥

方以外五字缺天誤大

輔道忠良所憑委

同王道載綱

承式文以節以分兩地

羊杜撫字

輔道外廿三字缺

朝傾多士庭望

知止

□□□□□□□□□□開原沙永□兆宅□□□

□多外十
三字缺

右唐高元裕碑據舊史元裕列傳及此碑皆云元裕

祖名彪而新史宰相世系表獨作彪蓋誤金石錄

元裕以大中六年六月廿日薨其年十一月十日歸

葬河南府伊闕縣白沙之南原碑今在洛陽縣南三

官凹蓋伊闕地後併入洛陽矣碑題渤海縣開國男

而新舊書本傳稱封渤海郡公蓋史之誤北史高勣

字敬德襲父爵清河王改封安樂侯當作樂安唐書世系

表作樂安侯碑稱敬德改封樂安王未詳孰是或始

封王而例降爲侯乎恭僖皇太后敬宗母王氏懿安

皇太后憲宗后郭氏也

潛研堂跋尾

寶刻類編有此碑稱蕭鄴撰柳公權書今蕭下鄴字

已泐柳公權字尙可辨碑述曾祖迴上

祥案此本高祖峻字尙可

辨有皇朝蒲州長史撰小史行於代新唐書藝文志

高氏小史一百二十卷高峻初六十卷其子迴復釐

益之是峻爲元裕之高祖也蕭鄴結銜稱彭城縣開

國男食邑三百戶新唐書本傳不載

平津讀碑記

金石錄有跋萃編不引平津讀碑記亦僅據寶刻

類編言之何也金石錄日以碑爲大中七年七月

立據碑元裕以六年六月廿日薨其年十一月十日歸葬豈碑後有建立年月而今已缺泐耶抑金石錄之誤耶畢氏中州金石記以爲七年十月則不知所據矣而萃編因之黃氏中州金石攷云大中六年柳公權書并篆額今拓本未見并篆額三字碑云曾祖諱迴而宰相世系表作迴諸家跋語亦俱作迴惟洪氏不誤兩儀殿在朱明門北兩儀門內常日聽朝之所見六典長安志云在太極殿後隋曰中華殿貞觀五年改唐書武平一傳中宗宴兩儀殿令胡人唱合卽其地大明宮在禁苑東

南見地理志雍錄云大明宮本太殿宮之後苑東北面射殿也太宗於其地營永安宮以備太上皇避暑九年正月改名大明宮龍朔二年改名蓬萊取殿後蓬萊池爲名長安五年又改爲大明宮

花嚴寺杜順和尚行記

大中六年四月廿四日
萃編載卷一百十四

龍盛

缺龍字

惠効

効誤

記云貢來婦人有一子求之尙書日月逾邁若弗云來孔冲遠正義云貢卽云也尙書本作員來說文員籀文作鼎漢書匡衡傳無說詩匡鼎來鼎來卽員來與此碑可相證碑後有鐫玉冊官邵建初刻字圭峰

定慧禪師碑劉遵禮墓誌皆邵建初刻

平津讀碑記

再建圓覺塔誌

高四尺寬一尺七寸十六行行字不一字徑八分正書在陝州

再建圓覺大□□塔誌

案梁武帝銘大師碑□□大同二年示終於洛州遺塔杓升坂即茲塔也司徒中書令汾陽郡□郭子儀復東京之明年抗表乞大師諡

代宗皇帝諡曰圓覺名其塔曰空觀大師名達摩西域人也自五天來昭昏轍荒鉞析端□□□造作者識羈繫之醜落空寂者知凝滯之非指迷轅於炳直之途揭

惠旭於幽夷之表分別邪正開却漸頁使羣派奔輪若
得瀆而趨海也□本宗大師所付至支那爲最上乘第
一祖至若往來之有無地位之高下非吾輩所得言焉
過梁而徂及魏而止繫汝遇不甯我行藏緣歿則遷豈
墮諸數道且不住跡其可留取者自言我則何有熊耳
山下一塔歸然骸葬形遊文詳於梁武靈泉瑞木表□
於汾陽月闕其圓天之道也

武宗皇帝謂真諦不可以相取密跡不可以像設徒使
動盪清靜泉數昏晦會昌癸亥歲遂詔廢釋氏於是
率土塔廟鞠爲邱□大師銘誌亦隨湮滅碧空鍾梵與

霜露而俱銷金地松筠掩荆棘而無類

今上即位即日牽復大中庚午歲八月十五日 詔河

南尹河東公再建斯塔令擇僧有大德可用儼大師者

俾宰之洛陽僧與軒冕之士累百同舉手而稱曰大德

僧審元其人也 河東公賈 詔書詣龍門以

天子意起之於是元公杖錫至山下不言而人化無幾

而塔成雲撐矗立□若疊巘匠石覃思砒砒就雕彼育

□鬼功多寶踊出未獨多也今高中岳鼎足二陵浩劫

未灰無以見毀

大唐大中七年歲在癸酉正月五日潁川陳寬誌

京兆少尹崔倬書

韓師復摸勒并刻

丙辰五月得此拓本於京城市肆紙墨甚舊決非
新出土者其石當在汴中金石之富萃編而外如
潛研堂筠清館皆未入錄中州金石攷中州金石
記均無是碑諦審拓本碑已破裂大小六石殆拓
本流傳絕少諸公偶未之見邪碑文雅茂書清勁
酷似率更蓋爲重立圓覺塔而志其顛委也案新
唐書武宗本紀會昌五年八月壬午大毀佛寺復
僧尼爲民方山證明功德碑云會昌五年毀去佛
□天下大同修高公佛堂碑云始會昌五年當武

宗皇帝省天下佛署盪海內僧徒百巖寺修法堂
碑云會昌五年夏五月十八日其寺廢矣陳榮造
幢記云至會昌五年六月十七日准勅廢祇園寺
東西兩幢均云於會昌五年廢毀悉與史合而此
誌云會昌癸亥詔廢釋氏則三年已有此禁蓋當
時雖有禁令天下未盡奉行故陳榮幢立於會昌
三年安國寺幢元承嗣幢皆立於會昌四年至五
年而禁始嚴故史以大毀書之通鑑綱目云上惡
僧尼耗蠹天下乃先毀山野招提蘭若至是皆立
期毀撤仍遣御史分道督之此圓覺塔蓋在先毀

之列也碑又云今上即位即日牽復者通鑑載會昌六年五月詔上京增置八寺復度僧尼百嚴寺修法堂記云今上御□□登寶位便啟洪恩又云會昌七年春三月革号大中四年秋九月有百姓丁係云云又云至其年十月十三日特命下縣便令修建是未經改元之前即有是詔故此志云即日牽復也塔於四年庚午始令再建者先未申請耳牽復用周易謂牽連復之也宣宗於三月即位五月即復釋氏崇尚佛教如是其急可歎也夫甲戌夏伊臣甥函告余曰碑在陝州同時拓得者有

魏元象元年壽庵立石一通中列佛象似達摩隻
履西歸之意左方刻偈語四句又有空相寺吉祥
大師立石一通上列佛象下刻草書心經無年月
高廣與此碑一律竊意碑係方石四面鐫刻其一
面或倚壁不得拓也誌之

修方山證明功德記

大中八年四月廿日
萃編載卷一百十四

寺主僧從□上座僧雅□

施□□文

維那僧繼恩施

伍伯□典座僧□□

施五百文

歲僧行方□□

百□

徒衆僧慎微僧洪敬僧□振僧□震僧□□

施二百文

僧知壽

施二百□

僧惠巨

施三百文

僧洪堅

施二百文

僧道政

施三〇〇

僧簡釗

施三百文

僧自制僧惟觀僧

惠達僧道堅僧常慶僧宏

僧洪義

施一百文

僧洪逸

僧

施三百

〇〇〇

僧善

〇二百

僧道雅僧常

董子成

〇〇〇

施

一千文

盡人周公濟

唐義李少

石

崔

等

人共施

〇十五貫

李可言 鑄鹿繼宗

書陳士

〇施錢

廿

下施主胡惟直

捨錢

七千文鹿再立

捨錢

一千

〇

下翁錫

捨錢

一千文翁世娘

捨錢二千

〇身

捨錢

廿千

〇楊

〇〇

施錢

下孫恭

捨錢

十二娘

捨錢

六百文

鹿審女爲亡父

合家長幼等共捨

錢

三千五百五十文

孟存古

錢

三千五百五十文

孟存古

捨錢

六百文

林迺

捨錢

五

百文王德晟捨錢三百□馮宏慶捨錢三百文董十二

娘捨錢一千五百文孫頽捨錢三百文浙西道丹徒縣

延福鄉鶴林寺僧惠達施錢一千文僧常慶施錢□□

□□仲□合共施錢一千文□□□□□□□□此行祇捐半字

張思賢施錢一千文劉氏施錢一千文李氏施錢一千

文曹万迪施錢一千文張氏施錢五百文僧元寶施錢

二百□郭翔施錢二百文張存施錢三百文百字添注万十

四娘施錢一百六十文安二娘施錢二百文孫君晟施

錢二百文万季臯施一百五□文□友義施錢二百文

僧崇惠施錢四百文宋聖緣施錢□百□王常進施錢

三百文李□花妹施錢二百文靳田施錢五十文韓自
真施錢五百文公乘十娘施錢三□文徐□貫施錢二
□□□通施錢一百文公乘七娘施錢三百文倫長
□施錢□□□任邵□施錢□百文孟□興施錢二百
文郭遇真施二百□僧□文僧宗訓僧景修僧惠雅□
有萬施錢一百文常堅施錢一百文王健方施錢三百
文僧幼□施錢二百文王任施錢二百僧克謨施錢二百僧從
釋施錢二百董步成施錢二百文女元真施錢二百文
齊十一娘施錢三百文鄭方立施錢三百文董可宗施
錢貳伯文董懷□下李□施錢六百文妻徐氏施六百

文男稷復後下侄□鎮王守貞女弟子劉氏男□□施

錢參伯文孫十九娘施錢一百五十文任方楚与姪男

文寶共施錢□千文孟良表捨三百文曹宗及六百文

楊萬及四百文孫義端三百文張元昌二百文宋□進

二百文進字王公亮四□□

附宋人題名

王揆揆誤十四日記脫日

右記在長清縣靈巖寺巢鶴巖下書者鹿繼宗鐫者
李可言姓氏與施錢人同列幾不能辨記文之左尙
有題字五行磨裂難識皆不具錄又有宋元祐三年

諸題名五段加刻於唐蹟之上致多殘缺也

山左金石志

萃編不錄施錢姓氏補之共三十七行書人姓名金石家所宜記也姓公乘者二人姓倫者一人公乘古爵也子孫因以爲氏倫出伶倫之後唐書地理志丹徒屬潤州隸江南道此稱浙西者浙西觀察使所理也山左金石志正直二字誤倒

下邳郡林夫人墓誌

大中九年十二月十日葬
編載卷一百十四作九年五月

有唐故下邳郡林夫人墓誌并序

河南褚符撰

夫人林氏其先下邳郡人也曾祖□皇任廣州叅軍祖

景師□任潮州刺史父□性貞介薄祿爵甘退□身□
不束於名宦鄉里咸謂之高明靜□士者

夫人則

府君之仲女也未笄而柔和冰潔既聘

而德行藹馥由親族□鄉黨□例以□約也不逾□而
閩中大族富春孫氏子以□斧□□作□□婦執勞媒
□節以□□錄是□夫人□得以信之禮得以

配之□孫未暮而隣箴里感州□縣嚮俾□慈□仁柔
繩□□標□□□□□有男二人曰愿曰鄉愿業開
元禮未冠赴舉人比孺悲拜□□出□申□月行次□
嶺忽然中疾顏子不壽□□悲也□總□□□□□

□□□□□□□□知之文行爲時喆周歎翔翥翼鸞
鶚交彩仁□誼如□□真夫人之令子女三人長曰
大元娘適太原王氏仲□□□□而卒季曰□娘適
潁川陳氏懿哉三女□□□□□□□□□□
□□之□□夫人之□鳳池鄉黨之□□□□□□
是以大中七年十二月二十三日□時□於□□□□
□□□□□得年四十八歲以大中九年十二月十
日□□□□孝□鄉□□□□□□□□□□□□
□□□□□念男女之□□□□□□□□□□□□
□□□□□述銘曰

烏翻兔奔□破林昏□□□□□□□□□□
□爲根□□□□歎維人可□猗歟夫人婦道□□母儀
□□□□□□男貞女孝惟順之方□□□□□□不
□□□□□□□□□墳峨峨於山之旁懿德美行
不隨魂揚高山有碣雕琢無妨□□□□□之用藏墳
摧世更陵谷改張此石若出斯文更昌

據南海吳氏校本補碑共五百六十四字存三百
六十六字萃編所載僅一百三十八字因重錄之
其所缺譌不斷述也文云大中七年十二月二十
三日當是夫人之卒日下云大中九年十二月十

□曰是其葬曰而萃編作九年五月訪碑錄潛研
堂目皆同疑吳氏所錄有誤字句間亦有可疑之
處姑依錄之夫人之祖林景師及其子愿鄉與夫
撰文之褚符皆無可攷唐有林謂嘗撰閩中記十
卷林勛大中五年以開元禮登科爲吉州刺史林
郇陽官潮州刺史皆閩縣人其占籍莆田者有林
披林攢林蘊林慎思林氏固閩之望族也下邳郡
本名臨淮天寶元年更名

玉函山沙門義初等題名

高八寸上廣三寸下廣二寸二分三
行行字不一字徑八分正書在長山

大中十祀三月中旬五日抄門義初與諸德及諸信士
等同遊佛峪

復東林寺碑殘刻

高廣不齊存十二行行存字
不一字徑七分正書方界格

上州下
關州

上公權

佛之心以空化執智化也以福利化欲仁化也以緣業
化妄術化也以地獄化愚劫化也故中下之人聞其說
利而畏之所謂救溺以手救火以水其於生人恩亦宏
矣然用其法不用其心以至於甚則失其道蠢於物失

其道者迷其徒蠹於物者覆其宗皆非佛之以手以水之意也爲國者取其有益於人去其蠹物之病則通矣

唐有天下十四帝見其非理而汰之而持事之臣不以歸元返本以結人心其道甚桀幾爲一致今天子取其有益生人稍復其教通而流之以濟中下於是江州

奉例詔余時爲刺史前訪茲地松門千樹嵐光熏天蟬嘒響嶺鳴松籟冷然可別愛而不翦利以時往至是即

喜而復之民物之困不可橫賦得舊僧正言問能復東

林乎曰能即斷其髮佳而勉之又命言擇其徒得二十

九以隸其下皆心生力完臂股相用言則隨才賦事分

命告復所至 響應下虔江之木鳩食訪 工陶土治鐵匠

成於心授規於手日而不笠雨而不屐羹飪羹湯優備

執藝若殿若廟若門之三 若闕之左右爲塔若講若食

若客之館若庫若樓若廚激飛泉而注於鸞鈴之間若

梁峴於武若亭臨於白蓮若僧之房若聖之室若突蹠

勝若卻居幽 奇可不尋雅不出位則爲間三百一十三

爲架一千八百七十六爲樞爲梁爲棟爲桷爲隔爲闔

爲屋之事數爲級塼爲蓋瓦凡役工合六十五萬三百

二十八細紐端明嚴若有主大中六年二月十四日言

命以圖及其備錄訪余爲刻石之文且曰自遠公至今

若干歲而傳法之地滅矣賴君復之君宜主書其事余則曰復之者上也主其事而書之於言公不辭余嘗觀晉史見惠遠之事及得其書其辭若注其言若鋒足以見其當時取今之所謂遠師者也吾聞嶺南之山峻而不秀嶺北之山秀而不峻而廬山爲山峻與秀兩有之五老窺湖懸泉墜天杭香藥靈鳥閑獸善烟嵐之中恍有絳節白鶴使人觀之而不能迴眸也且金陵六代促時薄臣以功危主以疑慘潯陽爲四方之中有江山之美惠遠豈非可計於此心視於時風耶然鷲者搏羶襲者拘素前人不暇自歎者多則遠師固爲賢矣是山

也以遠師更清遠師也以是山更名賜佛之法如以曹
溪以天台爲號者不可一二故寺以山山以遠三相扶
而爲天下具美矣今言師愍佛之法推遠之心修廢之
勤任其事不宰其功讓功於義明義明日余何能言之
續也讓功於建省建省曰某何能言之力也讓功於鏡
陽以緡物元謙以衆材清持以播殖景仁以化施皆曰
某何能言之方也非言不顯義非義不顯言推與讓至
於是而不宏大敏固始終一致者未之有也移之於邦
國之理何故不成哉銘曰萬竅怒號羣波猛起刑戮不
加仁義不止有得佛心則滅諸熾慧以性生性以悟理

山增惠臺鑑開妄軌根深則定葉茂則死可用理人不
獨養已義義生峰矯矯惠子梁以崇山津以江水不騫
不竭吾道曷已上復其道吾以塞詔惟師正言勤以克
肖四五年來休功再詔推能與類類以言妙不日良能
孰臻此要山川不改舊物復新誠汝其徒誕將又淪

右唐湖州觀察使崔黯撰柳公權書東林寺會昌中
廢之大中初黯爲江州刺史而復之黯之文辭甚道
麗可愛而世罕有之

集古錄跋尾

唐復東林寺碑湖南觀察使潭州刺史崔黯撰散騎
常侍柳公權書寺在江州先被廢至宣宗時復立碑

以大中十一年四月立

集古錄目

右殘石存六十一字江西通志載此文錄以補碑之闕天子取其有益生人志脫有字松籟之籟志誤作有突蹶之蹶志誤作據餘無從校其同異矣第三行化愚字四行則失字與二行公權齊五行通六行益七行洽八行乎九行戾十行右十一行蹶均與二行公字齊末行屋之與十一行之室齊每行約四十六七字江西通志東林寺在德化縣廬山之麓晉太元九年慧遠開創謝靈運爲鑿池種蓮號蓮社宋改爲禪寺據碑則唐代已有寺名

非宋時所改會昌大中之興廢志亦失攷特不知東林之名始於何時據碑文作於大中六年二月而集古錄目云大中十一年四月立是崔黯作此文後閱四年而始上石也崔黯史附見崔甯傳甯季弟密之孫字直卿開成初監察御史擢員外郎果遷諫議大夫不言其任外職集古錄跋以爲湖州觀察使集古錄目以爲湖南觀察使潭州刺史二者不同疑州爲南之訛而湖南通志職官表不載其名江西通志亦不載其爲江州刺史集古錄目又云散騎常侍柳公權書案史傳武宗立公權

罷爲右散騎常侍宰相崔珙引爲集賢院學士知院事李德裕不悅左授太子詹事改賓客累封河東郡公復爲常侍進至太子少師傳於是後敘大中十三年事此碑立於十一年當是復爲常侍時惟定慧禪師碑立於大中九年結銜稱守工部尙書似已在復爲常侍之後是此碑之書又當在九年以前矣殆書而未卽上石邪

幽兵參軍陳立行墓誌

方一尺六寸四分許廿七行行廿七字
十二廿五兩行少一字字經五分正書

故幽州大都督府兵曹參軍陳君墓誌銘并序

幽州押奚契丹兩蕃副使中散大夫檢校秘書少監
攝御史大夫上柱國賜紫金魚袋漁陽李儉撰

皇唐甲子四周歲在丁丑夏四月甲戌 陳君沒於府
城之肅慎里越日景申晦葬于幽都縣禮賢鄉之平原
惟 君孝達於神祇涕流於鄉黨信稱於朋執業著於
官曹惠施於危亡文形於述作自束髮至啓手足言絕
浮僞行無玷缺爲學不勸濟物不 匱 皆章灼炳煥不可
脩舉其迥出人者今得書之執親之喪頭蓬不櫛面垢
不饋負土成墳必自己力殘形埏埴之間寄命晷刻之
際泣盡繼血五周天星府縣旌表簪裾高尚雖從仕進

抱終身之戚焉蓋人之難能後有從事韋雍死於亂鋒
琴瑟併命老母弱子拘諸佛寺音信不通樵蘇不爇君
與其弟遊□若已咎瘞其遺骸慰其□塋晝乞州里夜
餉糗饗進恐吏訶退憂室□後詔訪遺類官給葬事亡
者免飫於烏鵲存者復歸於鄉并名教感其仁豪傑尙
其義此又難之尤者繇是休聞善價汪洋郁烈翔于道
路動于公卿於是羣賢推轂元侯授簡年過強仕方
從命官釋褐授檀州叅軍非其志也俄改幽州安次主
簿管護軍表疏府換署府兵曹滿□重假前任職業聿
修聲華日美方期大用遽蹶脩途春秋五十有八府

主痛惜聞于

上公賙賻有加輒悼踰等平生交友

如斷手足□與扶服禮如晷功甯止慟於廨門而已

君諱立行字晞顏昔周武封帝舜之後於陳國縣於楚
孤支于燕代爲薊人祖輝父從皆養志舍□學而不仕
娶河東柳楚女有男子女子各一人並在孩穉長兄良
□□其葬事 君之伉儷韋氏之出韋氏又予之出也
本矜慎配遷此瘞□撫存悼亡刻石納壙銘曰

烏庠陳君人之良錯綜四科及五常孝旣至兮節旣彰
名益著兮道益光神默默兮天茫茫且福而壽反禍殃
妻弱子幼行路感傷一閑佳城芳地久天長

前攝涿州范陽縣丞節度要籍賞緋于全益書

此行字較

小

右幽兵參軍陳立行墓志松坪所貽當在宛平出土而不見於京畿金石攷殆出土在後也首云皇唐四周甲子歲在丁丑夏四月甲戌又云越日景申晦按唐代建元始於武德元年戊寅至大中十一年丁丑適符四周甲子之數通鑑目錄是年四月戊辰朔五月丁酉朔以此推之甲戌爲七日丙申爲廿九日是月小盡故稱晦蓋卒於大中十一年四月七日越廿二日丙申而葬也據誌述立行

事蹟卓然可法宜入孝義傳官位不顯堙滅無聞
非誌石出土何由傳於千載之後邪韋雍死於亂
鋒事見張宏靖傳宏靖爲盧龍節度使旬一決事
賓客將吏罕聞其言委成於參佐韋雍張宗厚又
不通大體股削軍賜專以法根治之雍欲鞭小將
薊人未嘗更笞辱不伏宏靖繫之是夕軍亂囚宏
靖執雍等殺之遂取朱克融主留後穆宗本紀書
此事於長慶元年時立行年廿二也文所謂詔訪
遺類官給葬事者於史無徵陳立行及其祖父暨
夫人之父柳楚皆無史傳可攷撰文之李儉書石

之于全益亦無傳張仁憲碑亦李儉所撰彼碑署
銜僅存上柱國三字即此李儉也唐書宰相世系
表肅宗相李揆之曾孫有名儉者不言官職未識
即其人否宣宗重惜服章當時以緋紫為榮李儉
賜紫于全益賞緋是二人者當有功績可嘉也

侯官丞湯華墓誌

大中十二年十一月廿八日 萃編載卷一百十七

無惣感德塲

缺無德二字

援亮

援誤授

土風

缺土字

民

民作

之情

缺情

觸地

缺觸字

存者有恨

缺存者二字

恨誤限

唐安寺尼廣惠塔銘

高一尺八寸二分廣一尺七寸五分前後廿五

行廿八廿九字字徑五分正書在陝西咸甯

唐故上都唐安寺外臨壇律大德比丘尼廣惠塔銘序并

令狐專撰上

維像教東度秘疊南轡元元云吾師竺軋宣尼稱西方
有聖厥後感夢孝明漸于中國菩提達摩降及大照禪
師七葉相承謂之七祖心印傳示爲最上乘羣生以癡
蓋愛網纏覆身宅不以慧炬燭之慈航濟之即皆蹈昏
口之中迷方便之路矣於戲文殊戾止金粟來儀窮象
譯之微言盤龍宮之奧典卽我唐安大德其人
也 大德諱廣惠俗姓韋氏漢相之遺社周司

空之遺孫地承華緒門藉清流靈根夙殖道天授金

翠之莫飾視葦腴而不味於是分瓶灌頂染法壞衣率
軋越之真諦識揚伽之要義負波羅窟深入禪菁阿耨
達池恒藏戒水傍灑甘露悅導蒙塵運智慧之妙其動
也雲舒曾漢了般若之性其息也月鑒澄泉帝□□徒
皆以宗師敬受初法

我皇十年以名臘隆抗充外臨壇大德德弥高而身弥
遜聲愈廣而志愈冲負笈執經扣鶚林者請益如市無
明有漏傳心印者皆脫其網豈謂毗城示老雪山現疾
雖菩薩之善本生沒是常而金剛之威力堅持不壞以
大中十三年夏五月廿六日寂然入滅報齡五十七僧

臘卅八弟子性通等歸奉衣屢如將復生以其年六月
十八日幢蓋香花遷座於韋曲之右嗚呼如來留影之
壁石室空存舍利全身之函珠臺永闕專微眇凡品因
緣甚親嘗蒙引論人天粗探真覺承筵作禮肩繞王之
師子出嚮入淨同生火之蓮花■荷■法誘爰薦
菲詞慙非陸氏之口文終謝蔡侯之健筆銘曰
■流易染萬類難化世同驚駭色如奔馬非習調御孰
明般若非習能仁■捨生既不有滅亦不生無去
無來大觀體同至寶深藏慧光不息■塔斯成兮秦山
北後天地不泯者惟

師之德

孔□□書

道光辛卯仲春余獲此石於城南韋曲西北按咸甯志無唐安寺或年久湮沒未可知也長安李殿瀾容

菴氏議

刻碑尾空行

右尼廣惠塔銘出土四十二年矣未見箸錄補訪碑錄亦未載撰文者令狐專見宰相世系表宣宗相絢之子也而史不附見於絢傳書人名勔書學誠懸頗不惡俗拓本爲鼠所啣破損九字空以待補碑書葉字作葉而世同驚騰不避世字恒歲戒

水亦不避恒字然非僞作

袁夫人王氏墓誌

高一尺九寸廣一尺八寸廿四行行廿五
廿六字字徑六分許正書在陝西咸甯

唐故軍器使內寺伯賜紫金魚袋贈內常侍袁公夫人

太原郡夫人王氏墓誌銘

并序

銀青光祿大夫檢校太子賓客兼監察御史王

孟諸

撰

夫舉族稱官蓋製作之常意況王氏承帝王之後派分
貴仕代亦眾矣斯皆增輝圖諫稱望天下若乃復序述
祖宗之盛得謂悠々繁詞故略而不書也夫人襄陽人

也性稟專貞早貪詩禮閑柔洲慎叶窈窕之風規纂組
女工得家人之深旨 軍器常侍先娶類川祿氏數奇
不耦夫人祿氏早亡 軍器常侍時護漢南鼓盆歌罷
曰染祀之職禮不可虧潔以蘋蘩必資中饋由是思鵲
巢之共理詠鷄鳴以求賢慕王氏奕世之宗以夫人繼
室夫人承訓結褵移天配德克崇婦道懿績可嘉閨門
之美實光彤管 軍器常侍自漢南更 命荆門歲滿
入 覲復領軍器使奈何天不福善偕老願乖 軍器
常侍尋卧疾薨于私第夫人居廬晝哭髣髴誓志動循
法則不尙繁華言必洽於族姻喜怒不形於色棲心像

外宏譽宜家其仁賢體度蓋爲外戚之表儀矣將及興
軒荷寵昭示懿屬麟角功高隲駒難駐嗚呼徽音潛
翳閼水興悲賦命有涯奄隨川逝以大中十四年春正
月十二日終于長安縣脩德里享年卅有五以其年四
月五日窆于萬年縣灋陵之原隣軍器常侍之塋禮
也嗣子五人或署金脩寵近侍丹墀或朱綬青袍
皆宣朝贊德門之盛廿莫能傳而復泣血銜哀俾述遺
範言必實祿託而用文誌而銘曰

青門道兮國之傍

素澹北兮龍之鄉

紛旗旄

兮引靈

襄

泉路永兮歌白楊

生何促兮死何

長

音容宛芳雲泱々

唯有松楸樹

悲風

起夕陽

八瓊室金石補正卷七十五